

Morning Regional Dogri News Bulletin, 09 February, 2026

मार्निंग डोगरी न्यूज़ बुलेटिन, समें. 09.20 Hrs

<><><><><><>

एह आकाशवाणी जम्मू ऐ, बडलै खबरें च तुंदा सुआगत, पैहले खास-खास खबरें कन्नै जगमोहन शर्मा।

Headlines

1. प्रधानमंत्री नरेंद्र मोदी होर 'परीक्षा पे चर्चा 2026' दे दुए अंक च अज्ज मुख्य भरै दे विद्यार्थिं कन्नै गल्लबात करडन।
 2. उपराज्यपाल मनोज सिन्हा होरें श्री माता वैश्वो देवी श्राइन बेर्ड दी बैठकें च त्रै प्रमुख पैहलकदमिं गी मंजूरी दिती जिंदे नै इस अस्थान गी विश्व सतह दे आध्यात्मिक केंद्र दे रूपे च नमी पंछान थहोग।
 3. जम्मू-कश्मीर विधानसभा च बजट 2026-27 पर आम चर्चा परतियै शुरू होग।
 4. बिजली मंत्रालय दे जायंट सैक्रेटरी होरें सलाल पावर स्टेशन रियासी दा दौरा कीता, डैम दी झीलै च पानी जमा करने दी छमता बधाने दे निर्देश जारी कीते।
 5. जम्मू-कश्मीर दी अनीशा शर्मा नै एशियाई नशानेबाजी चैंपियनशिप-2026 च दो मैडल जित्तियै इतिहास रची दिता ऐ।
- हून खबरें दी तफसील कन्नै कुणाल श्रीवत्स।

<><><><><><>

PM-PPC

प्रधानमंत्री नरेंद्र मोदी होर अज्ज 9 फरवरी गी इस बारे आहले परीक्षा पे चर्चा दी दुई कड़ी च विद्यार्थियों कन्नै गल्ल-कत्थ करडन। इस दरान श्री मोदी होर बोर्ड दे म्तेयान देने आहले विद्यार्थियों गी म्तेयान दी तैयारी, पढाई दी टेंशन कन्नै निब्बड़ना ते होर दुइयें चुनौतियों दे हल बारे सलाह देडन। इस बारी परीक्षा पे चर्चा दे 9में साल 45 मिलियन शा बद्द पंजीकरण होए न। इस बारे दी पहली कड़ी 6 फरवरी गी टेलीकास्ट कीती गई ही। उस कड़ी च प्रधानमंत्री होरें विद्यार्थियों दे नेकें सोआलें दे जवाब दिते हे।

हुन परीक्षा पे चर्चा दा दुआ एपिसोड अज्ज बड़लै 10 बजे रम्भ होग।

<><><><><><>

LG-SMVD

उपराज्यपाल मनोज सिन्हा होरें जंदे रोज श्री माता वैश्वो देवी श्राइन बोर्ड दी इक बैठक दी अध्यक्षता कीती ते माता वैश्वो देवी जी दी पवित्तर गुफा ते आधार शिविर कटड़ा गी आलमी सतह दे आध्यात्मिक थाह च तब्दील करने लेई कई बड़्डी पैहलकदमिं गी मंजूरी दिती। बोर्ड नै 3 प्रमुख परियोजनाएं आस्तै मंजूरी दिती जिंदे च मां शक्ति दी आध्यात्मिक विरासत गी दर्शाने आहला इक अंतरराष्ट्री अजायबघर, साउंड एंड लाइट शा ते पवित्तर गुफा पर इक वृत्तचित्र बी शमल ऐ। एहदे अलावा खाली पेटी असामिं गी पुर करने लेई भर्ती ते मुकामी नौजवानें आस्तै नीट दी मुफ्त कोचिंग लेई बी मंजूरी दिती गई ऐ। इक सोशल मीडिया पोस्ट च उपराज्यपाल मनोज सिन्हा होरें आखेआ जे बोर्ड श्रद्धालुं नै बसनीकें दौनें लेई कटड़ा गी साफ-सुथरा, जीवंत ते आधुनिक बनाने आस्तै बचनबद्ध ऐ।

पदार्थ दे प्रदर्शनं च भारत दी सांस्कृतिक बन-सबन्नता गी प्रदर्शित कीता गोआ। अपने तजुर्बे गी सांझा करदे होई इक आप सहायता समूह दी इक महिला सदस्य नै अपने विचार सांझे करदे होई आखेआ ..

<><><><><><>

ते हुन बाकि दिएं खबरें कन्नै जगमोहन शर्मा।

Salal Dam Visit

बिजली मंत्रालय दे संयुक्त सचिव (हाइड्रो) मोहम्मद अफजल होरें एन.एच.पी.सी सलाल पावर स्टेशन दा दौरा लाइयै एहदे कम्मकाज सरबन्धी कारकरदगी ते चला'रदी परियोजनाएं दा जायजा लैता। अफजल हुंदे पुज्जने पर एन.एच.पी.सी सलाल दे कार्यकारी निदेशक अनीश गौराहा होरें उंदा सुआगत कीता ते उत्थे तैनात केंद्री औद्योगिक सुरक्षा बल दी टुकड़ी आसेआ गार्ड ऑफ ऑनर दित्ता गोआ। दौरे दरान संयुक्त सचिव होरें डैम ते पावर हाउस कंट्रोल रूम दा मुआयना कीता, चला'रदे कम्मं दा जायजा लैता ते उप्परले इलाके च गाद कड्जने आहली थाहें दा दौरा लाया। उनें जलाशयें दी समर्थ च सुधार करने ते पनबिजली उत्पादन च लम्मी अवधि दी कुशलता गी यकीनी बनाने दे महत्वपूर्ण निर्देश दिते।

<><><><><><>

Winter Festival

कठुआ जिले दी सरथल घाटी च सैलसफा विभाग आसेआ आयोजित विंटर फेस्टिवल च ज्हारां बद्दे लोक शामिल होए। जिला प्रशासन कठुआ ते बनी-बसोहली विकास प्राधिकरण दे सहयोग

कन्नै आयोजित इस कार्यक्रम दा उद्घाटन बनी दे विधायक डॉ. रामेश्वर सिंह हों कीती। डोगरी दी मशहूर गायिका सोनाली डोगरा ते कलाकार बिशनदास दी प्रस्तुतिएं सभनें दा मन परचाई लैता। इस मौके जिला विकास कमिशनर राजेश शर्मा हों सयालू सैलसफा लेई सरथल घाटी दी समर्थ गी उजागर कीता ते आखेआ कि इस चाल्लीदे आयोजनें कन्नै मते-मते सैलानी इत बक्खी आकर्षित होंगन ते इत्थै सैलसफा कन्नै जुड़ी दिएं आर्थिक गतिविधिं गी बढ़ावा थहोग। विंटर फेस्टिवल च सांस्कृतिक कार्यक्रम, मकामी प्हाड़ी पकवान, बर्फ पर खेड्वां ते होर केई मनोरंजक गतिविधियां सभनें लेई आकर्षण दा केंद्र रेहियां। इस मौके आकाशवाणी कन्नै गल्ल करदे होई एम.एल.ए बनी डॉ. रामेश्वर सिंह हों आखेआ .

उत्थे आए दे लोकें अपने अनुभव ते विचार सांझे करदे होई आखेआ .

इस्सै चाल्ली दा इक बड़ा आयोजन मेगा विंटर फेस्टिवल-2026 डोडा जिले दे लाल द्रम्मन इलाके च कीता गेआ जेहदे च खरी मती गिनतरी च लोकें मते चाs ते उत्साह कन्नै हिस्सा लैता। एहदा सरिस्ता जिला प्रशासन डोडा, सैलसफा विभाग, भारती फौज ते तेजस एक पहल नां दे इ गैर सरकारी संगठन आसेआ कीता गेदा हा जेहदे च मकामी व्यंजन, सांस्कृतिक कार्यक्रम, गीत संगीत, बक्ख-बक्ख मैहकमें दे स्टाल ते विद्यार्थिं आसेआ तिरंगा रैली आकर्षण दा केंद्र रेह। मेगा विंटर फेस्टिवल-2026 उत्थूं दा पारम्परिक सराजीनाच, लोक संगीत ते रंगोली नै बी सभनें दा ध्यान अपनी बक्खी खिच्चेआ। इस आयोजन राएं इलाके च सैलसफा ते मकामी संस्कृति गी बढ़ावा थहोने दी मेद ऐ।

<><><><><><>

SCALE Initiative

जम्मू-कश्मीर दे सभनें कालजे ते शैक्षणिक प्रदर्शन गी बढ़ावा देने ते विद्यार्थिं गी एहदे च शामिल करने लेई जम्मू-कश्मीर उच्च शिक्षा विभाग नै स्केल नां कन्नै इक पैहल दी शुरूआत कीती ऐ। सरकारी महिला कालेज परेड च उद्घाटन कीते गेदे इस अभियान स्केल गी राष्ट्री शिक्षा नीति सुधारें तैहत तयार कीता गेदा ऐ जेहदे रां विद्यार्थिं गी सिक्खने दे बेहतर मौके उपलब्ध होआ करदे न, उनेंगी विचारें ते ज्ञान दे आदान-प्रदान दा बी मौका थहोग ते शैक्षणिक समर्थन बी। इस बारै किश विद्यार्थिं अपने बचार सांझे करदे होई आखेआ .

<><><><><><>

Aneesha Shooting

जम्मू दी नशानेबाज अनीशा शर्मा नै एशियाई नशानेबाजी चैंपियनशिप 2026 च दऊं मेडल जित्तियै जम्मू-कश्मीर लेई इतिहास रची दिता ऐ। नमीं दिल्ली च आयोजित इस चैंपियनशिप च अनीशा नै महिला जूनियर श्रेणी च 10 मीटर एयर राइफल स्पर्धा दे इक्कले मकाबले च केँह दा ते टीम मकाबले च सुन्ने दा तगमा जित्तेआ ऐ। एहदे कन्नै गै अनीशा एशियाई नशानेबाजी च 2 मैडल हासल करने आहली जम्मू-कश्मीर राइफल एसोसिएशन थमां पेहली महिला बनी गई ऐ। अनीशा शर्मा दे शानदार प्रदर्शन नै नां शड़ा जम्मू-कश्मीर दा सगुआं देसै दा बी मान बधाया ऐ।

<><><><><><>

Weather

मौसम विभाग दी जानकारी मुजब जम्मू-कश्मीर च अगले लगभग पूरे हफते मौसम आमतौरा पर खुशक बने दा रौहग। उआं किश टामीं-टामीं थाहरें, उप्परलिएं धारें हल्की बर्फबारी दे असार दस्से गेदे न। जानकारी मुजब अज्ज रातीं उप्परले प्हाड़ी इलाकें च बर्फबारी जा बरखा पेई सकदी ऐ। 10 फरवरी गी मौसम बदलोखड़ा बने दा रौहग जिसले जे 11 तरीक किश इलाकें च अंधी झक्खड़ ते हल्की बरखा या बर्फबारी दे बी इमकान न। 12 ते 13 तरीक मौसम पूरी चाल्ती खुशक रौहग जिसले जे 14 फरवरी गी मती उच्ची थाहरें बर्फबारी बी होई सकदी ऐ।

<><><><><><>